



Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCII. ad annum CCCCXXX.

Parisiis, 1644

II. Quod non oporteat, clericis ecclesiarum contemptis, de laicis episcopos ordinare.

urn:nbn:de:hbz:466:1-14918

quod dictu nefas est, in necem fratris sui taliter gratulatus, vt huic qui eius sanguine cruentatus aduenerat, portionem cum eo habiturus occurreret, vestro eum audiendum collegio delegamus. Data viii. Kalendas Augustas, Flauis Felice & Tauro v. c. consulibus.

N O T A.

^a *Epistola.]* Narbonensis & Viennensis ecclesiarum in Gallia statutus turbatus erat. Emerserant enim nouatores quidam, qui in vestitu clericorum nouum vsum inducebant, nempe ut incederent palliati, renibusque præcincti, eo quod Dominus in euangelio suos admonuisset, dicens: *Sint lumbi vestri præcincti, & lucerne,* &c. Hos Cælestinus hac epistola reprehendit, vetuitque ne nouus atque diuersus ab eo, qui haec tenus vsum fuisse, habitus clericorum induceretur, sed illum, quem a maioribus accepissent, retinerent, nec a peregrinis clericis peregrinum vsum vestium acciperent; quod moribus quam vestimentis sacerdotalem decorum præ se ferre magis præstaret. Eosdem etiam redarguit, quod petentibus in fine vita poenitentiam negarent: nec non quod ad sedem episcopalem laicos & criminosos prouexissent, & quemdam Danielem contra ius ad episcopatum promouissent. Baronius anno 428. num. 17.

E P I S T O L A III.

CÆLESTINI PAPÆ I.

AD EPISCOPOS APVLIAE ET CALABRIAE.

- I. *Quod nulli sacerdotum liceat episcopos ordinare.*
Canones ignorare.
- II. *Quod non oporteat, clericis eccliarum contemptis, de laicis*
- III. *Quod docendus sit populus, non sequendus.*

Cælestinus uniuersis episcopis per Apuliam & Calabriam constitutis.

I.

NVLLI sacerdotum suos liceat Canones ignorare, nec quidquam facere, quod patrum possit regulis obuiare. Quæ enim a nobis res digna seruabitur, si decretalium norma constitutorum, pro aliquorum libitu, licentia populis permissa, frangatur?

Dif. 38.
Nulli sacerdotum liceat.
Canones clericis cognoscendi.

II.

Audiuimus quasdam propriis destitutas rectoribus ciuitates episcopos sibi velle petere de laicis, tantumque

De laicis non sunt episcopi.

Ppp iii

fastigium tam vile credere, vt hoc his, qui non Deo, sed
sæculo militauerint, æstiment nos posse conferre, non so-
lum male de suis clericis (in quorum contemptum hoc
faciunt) iudicantes, sed de nobis pessime, quos credunt
hoc posse facere, sentientes. Quod nunquam auderent,
si non quorumdam illic his consentiens sententia con-
niueret. Ita nihil, quæ frequentius sunt decreta, profi-
ciunt, vt hoc, quasi nunquam de hac parte scriptum fue-
rit, ignoretur. Quid proderit, per singula clericos sti-
pendia militasse, & omnem egisse in dominicis castris
ætatem, si qui his præfuturi sunt, ex laicis requirantur?
Qui vacantes sæculo, & omnem ecclesiasticum ordinem
nescientes, saltu præpropero in alienum honorem am-
biunt immoderata cupiditate transcendere, & in aliud
vitæ genus, calcata reuerentia ecclesiastica disciplinæ
transire. Talibus itaque, fratres carissimi, qui iuris nostri,
id est, Canonum gubernacula custodimus, necesse est
obuiemus: hisque fraternitatem vestram epistolis com-
monemus, ne quis laicum ad ordinem clericatus admit-
tat & finat fieri, vnde & illum decipiat, & sibi causas ge-
neret, quibus reus constitutis decretalibus fiat.

III.

Dicit. 61.
Docendus
est popu-
lus.

Docendus est populus, non sequendus. Nosque (si
nesciunt) eos, quid liceat, quidve non liceat, commo-
nere, non his consensum præbere, debemus. Quisquis
vero conatus fuerit tentare prohibita, sentiet censuram
apostolicæ sedis minime defuturam. Quæ enim sola ad-
monitionis auctoritate non corrigimus, necesse est, per
seueritatem congruentem regulis vindicemus. Per totas
ergo hoc, quæ propriis rectoribus carent, ecclesias vo-
lumus innotescat, vt nullus sibi spe aliqua forsitan blan-
ditus illudat. Data xii. Kalendas Augusti, Florentio &
Dionyso viris clarissimis consulibus.